

Rongorongo man te Maungatabu



Reirei ibukin te Maiu mairoun te Burabeti



E a koro 99 ana ririki ni maiu Beretitenti Nelson n te ririki aei! I nanon ana marooro, e tibwai tabeua reirei ake e a tia n reia kinna i nanon maiuna ae kaan 100 te ririki. Rairia nakon iternaiba 2 ni wareka ana angareirei.



“Ana euangkerio Iesu Kristo bon te baire are e kaota nakoira arora ni kona n riki n aron are E tangiria Tamara are i karawa bwa ti na riki nako iai.”

Beretitenti Dallin H. Oaks, te Moan ni Kauntira n te Moan Beretitenti



“Iesu bon te Kristo. Bon ara Tia Kamaiu. te Tia Kabooira. Bon raoraora ni koaua ngaia.”

Beretitenti M. Russell Ballard, te Bonomwi n Beretitenti n aia Kooram Abotoro n te Tengaun ma Uoman



“A na bane n NAKORAOI bwaai ni kabane. ibukin Iesu Kristo.”

Titita Amy A. Wright, Te Moan ni Kauntira n te Beretitenti ni Kabuta n te Moanrinan

Kabwianibwai ao Angabwai

N te maungatabu, ti reia kin tabeua kawai are e kabonganai iai mwanen ara kabwianibwai te Ekaretia ao angabwai ni kakabwaiiaia aomata ni kabuta te aonaaba!

- N te ririki ae nako, e riaon riki **1 te birion** te mwane n Amerika ake a kabonganaaki ni kakabwaiia maiua koraki ake a rootaki n te kainnana.
- Iai riki **54 te mirion** te mwane n Amerika are e buokiia tiina ao ataei ake a rootaki n te kainnana.
- Te kabwianibwai e ibuobuoki ni boutokaa te mwaiti ae riaon riki **71,000** mitinare ake a beku i nanon **414** te mition.
- E ibuobuoki naba te kabwianibwa n tararuai **30,000** kaain te taromaui i nanon **195** aaba ao taabo ake a tautaekanaki.



Matakuakinan te Maungatabu ni kabuta te Aonaaba



Ibukin kaokoron te tai, ti mataku n taian tetere ake bwain te ingabong n te tairiki. Ti rangi ni kukurei ngke e

katanoatai tembora aika a boou Beretitenti Nelson!

Sofia D., 11 ana ririki, Bratislava Region, Slovakia



Matakuakinan te maungatabu e karikai bwa N na kaan riki nakon Iesu Kristo. Bon te tia Kaawakin

Tiibu ae Raoiroi, ao E tabekiniira, ngair aika Ana tiibu. N tabeti ao ti tionako n ae raroa, ma E roroko ni kakaeira n tainako.

Efrain C., 9 ana ririki, San Juan Province, Argentina



Ti katauraoi ibukin te maungatabu n nakora ni kabooi tabeua ara bwai ni matamtam ao n rawei motirawara

bwa ti aonga n aki matuutu n nuukan te maungatabu. Ti tataro n ara utu bwa ti na anganaki te atatai ao ni wareki booki aika tabu. I rangi ni kukurei n tainako n ongo iroun te burabeti ae maiu ao n ongo ana taeka te Atua.

Runakorwashe S., 7 ana ririki, Southern Region, Malawi



20 Tembora!

Iai 20 mwaitin tembora aika a boou ake a katanoataaki n te maungatabu! Kabongana te mwabe ni kakaei taabo ibukin tembora aika a boou. Karana te tabo are akea kanoana i nanon rabwatan te tembora ngkana ko kunei n tatabeua.

